

閩院詩刊

第二集



閩南佛學院課外文藝之二

民國三十一年二月廿六日

閩院詩刊
第二集



閩南佛學院課外文藝之二

民國三十一年二月廿六日

偶偕文濤慧童印明瑞遍出遊於

人跡罕到處得白梅數十株均

盛開詩以誌之

塊然

殘臘東風故故吹

滿園紅紫野藤垂

草深石亂芭蕉綠

開盡梅花人不知

其二

幾生修到是耶非

瘦影橫斜冷翠微

歸去疏鐘明月裏

暗香猶繞袖衣飛

偶偕塊然慧童印明瑞遍諸師散步
得一梅林在閩院附近前所未知
也

文濤

逐日尋山處處遊

不知此地更清幽

梅開似雪復如笑

笑我愚痴向外求

其二

白石溪橋兩岸花

交橫秀挺玉無瑕

當年和靖如來此

頗作孤山第二家

其三

素板歷亂影參差

淡淡幽香石迳斜

行過小橋深樹處

兩肩片片落飛花

除夕夜雨書懷

一時

頻添白髮漸成翁

學放參禪總未通

故事縱談空劫外

年華潛過雨聲中

戲煨福橘香堪食

閑撥爐灰火尚紅

惟祝戩神隨臘去

新年重覩太平風

仲冬中夜增前小立有感

W T

百感叢心夢未安

無聊強起倚欄杆

知因体弱衣衫薄

怎怨朔吹刺骨寒

其二

雲霧重重夜正闌

庭篁暗淚滴欄杆

東山似有纖纖月

姑忍寒風着意看

即事

光嚴

放心遠我味虛恬

片片梅梢手自添

樓外風狂天似墨

電燈光下讀楞嚴

遊山即景

閒仁

課後尚餘半日閑

芒鞋竹杖便遊山

偶然行到人煙處

鄉語不通問路難

遊溪頭社

印明

海濱聞說農村好

乘興來遊願不違

點點輕鷗浮水靜

翩翩粉蝶傍花飛

風生浪湧鷺沙走

日暖林深落葉稀

一片閒雲橫嶺外

斜陽影裏伴樵歸

登五老峯

印明

木棉似錦夢如油

碑誌林林伴古邱

八武峯頭雲冉冉

相思樹外水悠悠

兵戈始覺家園好

富貴何如德業優

幾隻閒鷗來復去

海天雖大少行舟

秋日遠眺

瑞遍

萬里長空一色秋

遠峯石塔共雲浮

金經手把倚欄坐

閒看人間不勝愁

月下作

瑞遍

飯後步樓前
年年春草綠

花開月又圓
流水去難還

清明

常悟

雨後清明萬象新
荒墳累累聞人哭

傍花隨柳入農村
不見慈親淚滿襟

桂花落

月淡虫鳴好香來

寂寞閒庭桂又開

昨夜狂風今夜雨

金花片片滿階苔

送皓源二師東渡

扁舟求法渡東洋

聖者心腸步蹟獎

飽挹扶桑甘露味

他年歸國放奇光

夜坐

心音

富貴草頭露

功名陌上花

小窗禪坐罷

月影已西斜

留別日暹寺諸同參

源明

韶光如電促行旌

慢捲歸裝百感生

頓念前塵難覓食

况聞故國未休兵

當年欠種菩提種

此世方臨業海行

聊賦新詩留海外

願君展讀慰離情

興塊然文滸慧重諸上人春日遊

溪頭社

一碧长空喜氣揚

微風吹送野花香

閑來策杖震村外

聊慰浮生水岸傍

十里煙迷荒塚道

幾行竹動翠雲岡

歸樵共返黃昏後

素月流光洒滿牀

夢紫霞諸同硯

法空

窗前斜月照書櫺

舊雨天涯个个乖

清夢初沉同硯聚

紫霞間話各知無

自慚

一肩瓶鉢未曾閒

清夜摸心無一物

二

青山綠水五經年

勝義門中多似我

客牕寄懷

遍訪知音又玩山

愧留色蘊在人間

道學空空似野煙

何能顯教範人天

宗如

異鄉風日催人老

石火光中又一年

雲出靈山應解意

鴻飛極浦欲誰憐

法幢難豎風沙際

明月空懸嶺海邊

洗鉢歸來清磬起

滿天星斗入詩禪

普利法會圓滿即事

秋風溪水白雲忙

法會新開古道場

五老凌霄添翠色

萬人空巷喜拈香

清鐘喚醒榮衰夢

法雨中含解脫方

七日梵音留澗石

笑談歸去趁斜陽

冬晚感懷

憨石

落日射清影

寒風逐鳥旋

樵歸山下路

牛帶壩中煙

遠嶂迷雲樹

劫塵散海天

悠悠鷺江水

荏苒送流年

年年羈客地
拾葉描秋意
自慚無一得
昨接故鄉信
我年雖未老

夜月

地白風輕水有光

蕭索獨安禪
臨流淡俗緣
虛費草鞋錢
親朋日已捐
白髮漸斑然

志明

徘徊池畔憶家鄉